



21. august 2020

UKA 2020/57

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Atuarfimmi pisortat perorsaanermi aqutsinissamut piffissaqarnerulernissaat anguniarlugu atuarfimmi allatsitit ilinniarnissamut periarfissaasut misissorneqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi piginnaasatigut nukittorsaanissamut pisariaqartitsineq nassuiarneqassaaq, ilinniarneq sorleq tulluunnerunersoq, aningaasartuutissatut kingunerisassai aammalu ilinniarniq atuuereersuni ilinniarsinnaanngornissaq periarfissaanersoq. Misissuinermi kingusinnerpaamik UKA2021-mi saqqummiunneqartussamut soqutigisallit sammisamullu attuumassusillit ilanngunneqarniarsarissapput.**

(Inatsisartunut ilaasortaq Nivi Olsen, Demokraatit)

### **Tungavilersuut**

Kalaallit Nunaanni politikikkut aaliangersimavugut meeqqat atuarfiat pitsaanerpaatinniarlugu aningaasarpassuarnik atuiniarluta.

Taamaalillutalu ilinniartumut ataatsimut aningaasartuutivut Danmarkimi atorpeqartartuni annertunerupput.<sup>1</sup>

Taamakkaluartorli amerlanerit isumaqarunarpur Danmarkimi meeqqat atuarfianni kalaallit atuarfiannut naleqqiullugit piginnaasat qaffasinnerusut. Tamanna aamma Meeqqat atuarfiannit naggataarutaasumik soraarummeernermi karakterit agguaqatigiisinneranni takuneqarsinnaavoq.

Piffissap ingerlanerani pilersaarutini angusaqarluarniartunik amingaateqarsimanngilagut, ilumoortorli tassaavoq Meeqqat atuarfiani pitsaassuseq piumasarpur, sulii anguneqarsimanngimmat. Tamanna nalilersuineri nalunaarusiami 2015-imeersumi takuneqarsinnaavoq.<sup>2</sup>

Pitsaanngitsumik ineriartorneq mumisittariaqarparpur. Meeqqat atuarfiat tassaasariaqarpoq meeqqat ilikkangaqarluarfigisaat. Aammalu ilinniartitsisut iluarusuffigisaat.

Demokraatit isumaqarpur atuarfinni pisortaalluarneq aallunneqarneratigut, pissutsinik sukkasuumik pitsanngorsaasinnaanngussasugut. Isumaqarpugummi atuarfinni pisortat ullumikkut Kalaallit Nunaanni nalinginnaasumik ingerlatsinnermut, allaffissornermullu piffissatorpallaartartut, inerisaanermullu piffissamik atuinikippallaarlutik. Nalilersuinnermut nalunaarusiami 2015-imeersumi atuarfiit pisortaanut tunngasumi imatut allaqqasoqarpoq:

<sup>1</sup> [https://ina.gl/documents/para3637/2020/svar/059\\_2020\\_folkeskolen\\_NIOL\\_akissut1aamma2.pdf](https://ina.gl/documents/para3637/2020/svar/059_2020_folkeskolen_NIOL_akissut1aamma2.pdf)

<sup>2</sup> <https://www.eva.dk/grundskole/groenlands-folkeskole>



*”Kisiannili atuarfimmi pisortat ilaat malugaat allaffissornermi suliassanut piffissaq annertoq atorneqartarmat perorsaanermi aqutsinissamut naammattumik piffissaqarnissaq ajornakusoorsinnaasoq.”*  
Unammilligassap aaqqiiviginissaanut siunnersuutigaarput, atuarfimmi pisaortanut allaffissornikkut oqilisaasussanik atuarfimmi allatsinik ilinniartitsisalisassugut. Meeqqat atuarfiini perorsaanermi aqutsinermut nukittorsaasussamik, atuarfimmi allatsitut ilinniartalernissaq eqqarsaatitsialaanersoq siunnersuutigisattuut misissuinerup takutissinnaavaa.

Demokraatit neriutigaat Naalakkersuisunit, Inatsisartunilu partiinit allanik manna siunnersuut amerlasuunit tapersorsorneqarluassasoq.

**Pisortanut aningaasaqarnikkut allaffissornikkullu kingunerisassai**

Misissuineq aningaasartuutitaqassaaq. Aningaasartuutit AC- årsværkimit ataatsimik 500.000 kr.-inik nalilimmik annerunissaat naatsorsuutigineqanngilaq.

**Inuussutissarsiornermut aningaasaqarnikkut allaffissornikkullu kingunerisassai**

Soqanngilaq

**Innuttaasunut aningaasaqarnikkut allaffissornikkullu kingunerisassai**

Soqanngilaq.